



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՇՎԵՔՆՆԻՉ ՊԱԼԱՏ

Ո Ր Ո Շ ՈՒ Մ

«28» հեկտեմբերի 2018 թվականի N 21/2

ԴԵՂԱՏՆԱՅԻՆ ԳՈՐԾՈՆԵՈՒԹՅԱՆ ԼԻՑԵՆԶԱՎՈՐՄԱՆ ԳՈՐԾԸՆԹԱՑԻ ՆԿԱՏՄԱՄԲ
ԻՐԱԿԱՆԱՑՎԱԾ ԿԱՏԱՐՈՂԱԿԱՆԻ ՀԱՇՎԵՔՆՆՈՒԹՅԱՆ ԱՐԴՅՈՒՆՔՈՒՄ ԿԱԶՄՎԱԾ
ԸՆԹԱՑԻԿ ԵԶՐԱԿԱՑՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Ղեկավարվելով <<Հաշվեքննիչ պալատի մասին>> ՀՀ օրենքի 16-րդ հոդվածի
9-րդ մասի 5-րդ կետով՝ Հաշվեքննիչ պալատը

Ո Ր Ո Շ ՈՒ Մ Է.

Հաստատել դեղատնային գործունեության լիցենզավորման գործընթացի
վերաբերյալ կատարողականի հաշվեքննության ընթացիկ եզրակացությունը՝ համաձայն
հավելվածի:

ՀՀ ՀԱՇՎԵՔՆՆԻՉ ՊԱԼԱՏԻ
ՆԱԽԱԳԱՀ

Լ. ՅՈԼՅԱՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏ



ԸՆԹԱՅԻԿ ԵԶՐԱԿԱՑՈՒԹՅՈՒՆ

ԴԵՂԱՏՆԱՅԻՆ ԳՈՐԾՈՒՆԵՈՒԹՅԱՆ ԼԻՑԵՆԶԱՎՈՐՄԱՆ
ԳՈՐԾԸՆԹԱՅԻ ՎԵՐԱԲԵՐՅԱԼ

Հաշվեքննության հիմքը

Հայաստանի Հանրապետության հաշվեքննիչ պալատի 2018 թվականի հունիսի 25-ի թիվ 4/12 և 2018 թվականի հոկտեմբերի 19-ի թիվ 13/4 որոշումներ:

Հաշվեքննությունն իրականացվել է Հանրային ֆինանսական քաղաքականության բարեփոխումները Հայաստանում» եվրոպական միության բյուջետային աջակցության թիվ ԵՀԳ/2015/038-229 համաձայնագրի պահանջով:

Հաշվեքննության օբյեկտը

ՀՀ առողջապահության նախարարություն:

Հաշվեքննության առարկան

Դեղատնային գործունեության լիցենզավորման գործընթաց:

Հաշվեքննությունն ընդգրկող ժամանակաշրջանը

2017 թվականի հունվարի 1-ից մինչև 2018 թվականի սեպտեմբերի 30-ը ներառյալ:

Հաշվեքննության կատարման ժամկետը

2018 թվականի հուլիսի 6-ից մինչև 2018 թվականի դեկտեմբերի 28-ը ներառյալ:

Հաշվեքննության մեթոդաբանությունը

Իրականացվել է կատարողականի հաշվեքննություն: Հաշվեքննությունն իրականացվել է «Հաշվեքննիչ պալատի մասին» ՀՀ օրենքի, Աուդիտի բարձրագույն մարմինների միջազգային կազմակերպության «ISSAI 300 – Կատարողականի աուդիտի իրականացման հիմնարար սկզբունքները» ստանդարտի համաձայն:

Հաշվեքննություն իրականացնող կառուցվածքային ստորաբաժանում

Հաշվեքննությունն իրականացվել է ՀՀ հաշվեքննիչ պալատի առաջին վարչության կողմից, որի աշխատանքները համակարգում է Հաշվեքննիչ պալատի անդամ Դավիթ Չիրուխյանը: Հաշվեքննության ողջ ընթացքում հաշվեքննողներին ցուցաբերվել է խորհրդատվական աջակցություն Գերմանական միջազգային համագործակցության ընկերության (GIZ) կողմից ՀՀ հաշվեքննիչ պալատին ցուցաբերվող աջակցության ծրագրի շրջանակներում հրավիրված Բրեմենի հաշվեքննիչ պալատի կատարողականի հաշվեքննության պատասխանատու-ղեկավար Յենս Գյուլդեի կողմից:

I. ԸՆԴՀԱՆՈՒՐ ՄԱՍ

**Դեղատնային
գործունեությունը
համարվում է
լիցենզավորման ենթակա
գործունեություն**

1.1. ԴԵՂԱՏՆԱՅԻՆ ԼԻՑԵՆԶԱՎՈՐՄԱՆ ԳՈՐԾԸՆԹԱՑԻ ՎԵՐԱԲԵՐՅԱԼ

«Լիցենզավորման մասին» ՀՀ օրենքի 43-րդ հոդվածի 2-րդ մասի **համաձայն, դեղատնային**

գործունեությունը համարվում է լիցենզավորման ենթակա գործունեություն: Դեղատնային գործընթացի լիցենզավորումն իրականացվում է ՀՀ կառավարության 2002 թվականի հունիսի 29-ի թիվ 867 որոշման 3-րդ հավելվածի և ՀՀ առողջապահության նախարարի 2014 թվականի սեպտեմբերի 03-ի թիվ 58-Ն հրամանի համաձայն:

Դեղատնային գործունեության լիցենզիաները տրամադրվել են ՀՀ առողջապահության նախարարության լիցենզավորման գործակալության կողմից:

ՀՀ կառավարության 2010 թվականի սեպտեմբերի 30-ի թիվ 1319-Ն որոշմամբ հաստատվել է ՀՀ առողջապահության նախարարության աշխատակազմի լիցենզավորման գործակալության (այսուհետ՝ գործակալություն) կանոնադրությունը: Գործակալությունն իր նպատակի իրականացման համար ՀՀ օրենսդրությամբ սահմանված կարգով իրականացնում է հետևյալ գործառույթները՝

- լիցենզիաներ տալու, դրանց գործողության ժամկետի երկարաձգման, վերաձևակերպման, գործողության կասեցման և դադարեցման հետ կապված գործառույթների իրականացում,
- լիցենզավորման պարտադիր պահանջների ու պայմանների փոփոխման և արդիականացման վերաբերյալ առաջարկություններ ներկայացնելը,
- առողջապահության ոլորտի լիցենզավորման գործընթացի փաստաթղթաշրջանառության իրականացում, այդ թվում՝ լիցենզավորման համար ներկայացված հայտերի ու բոլոր տեսակի անհրաժեշտ փաստաթղթերի ընդունում, հաշվառում և մուտքագրում,
- հանձնված փաստաթղթերի ամբողջության ստուգում, իսկ թերությունների հայտնաբերման դեպքում՝ Հայաստանի Հանրապետության օրենսդրությամբ սահմանված կարգով և այլ